

Ils font, que peu de temps apres le decez de feu monsieur le Cardinal de Peleué il en fut fait deux collations, l'une par monsieur l'Abbé de Cluny au profit de frere Matthieu religieux de son ordre, & l'autre par l'œconome spirituel estably sur l'Abbaye de Cluny au profit de Couurecelles aussi religieux dudit ordre.

Que ces deux moines ne faisoient que prester leurs noms pour s'asseurer du Prieuré, & le bailler à vn seigneur de la Cour en recompense d'une gratification que M^{re}. Claude Dormy à present Euesque de Boulongne & Prieur de S. Martin des Champs en ceste ville de Paris desiroit tirer de luy, comme elle a esté effectuee sans qu'il soit besoin de l'esclaircir davantage.

Que pour faciliter ce dessein ledit sieur Dormy fit expedier vne autre prouision par auctorité de la Cour de Parlement sous le nom de M^r. Vincent Marchant, afin que ayant deux religieux à sa deuotion, celuy qui seroit pourueu dudit Prieuré en demeurast assuré, & ne y peust estre aucunement inquieté, soit qu'il fust pourueu en tiltre ou en commande.

Que de fait toutes ces prouisions furent sous-mises à la volonté du Seigneur que ledit sieur Dormy desiroit en estre gratifié, lequel seigneur voulut que son Secretaire nommé Mareschal en receust le profit, & que de fait ledit Mareschal le vendit audit le Franc l'un des deffendeurs partie en ce proces pour la somme de quinze cens escus, moyennant laquelle il promit audit le Franc de le faire pouruoir & bien assurer.

Que pour executer ceste vendition, ledit Mareschal retira desdits Mathieu & Couurecelles leurs procurations, pour resigner le Prieuré en faueur de le Franc, & qu'il fist passer vne procuration, par laquelle ledit Vincent Marchant donna charge à vn Procureur en blanc, pour resigner en faueur de telle personne, que ce Procureur en blanc (c'est à dire en fantaisie) voudroit nommer.

Que ledit sieur Dormy retira la grosse de ceste procuratiō, laquelle se trouue depuis auoir esté effectuee au nom & au profit dudit le Franc, lequel pour auoir ceste prouision paya

audit Marechal ladite somme de quinze cents escus.

Et que de crainte que ceste prouision fust controuersée audit le Franc, ledit sieur Dormy expedia deux autres prouisions sous le nom d'un autre Religieux nommé Ruelle, *per incapacitatem, irregularitatem, & tituli nullitatem* de le Franc: affin que si quelqu'un se presentoit avec vne semblable prouision par deuolut, cestuy-cy se trouuaist le premier.

Or de dire que tous ces faits ne soient pertinents au cas qu'ils soient verifiez, & qu'apres la preuue d'iceux le Prieuré contentieux ne soit vaccant, *per simoniam labem*, il est mal-aysé de le desnier.

Pour empescher qu'ils ne soient receus, les deffendeurs proposent moyens; dont le premier est, que le fait de la prouision de Mathieu est supposée, & qu'il n'a iamais iouy du Prieuré contentieux: auquel la response est prompte par l'extraict de sa prouision pris au greffe des insinuations.

Qu'il ayt iouy actuellement, il y en a preuue par son acte de prise de possession, estant en date du iour du mois de 1594. Depuis il faut de necessité inferer que il a iouy iusques au du mois d'Octobre 1595. que le Franc s'est présenté pour y entrer, qui sont deux ceuillettes, lesquelles il est impossible de dire qu'autre que luy les ayt recueillies: *Tùm*; d'autant qu'il est seul, lequel y estoit entré par son acte de prise de possession: *Tùm*, aussi d'autant que iamais le Franc ny autre quelconque n'en a demandé les fruiets, lesquels par ce moyen luy sont demeurez, ou à ceux qui les auoient recueillis en son nom.

Le second moyen pour empescher que les faicts de simonie ne soient receus, consiste aux lettres Royaux obtenues par le Franc pour iouyr du decret *de pacificis possessoribus*, cõtre lequel le demandeur dit en peu de mots, que, *Simoniacus inuari non potest decreto de pacificis*, à cause de l'horreur de ce crime, *ad cuius reputatione cetera crimina quasi pro nihilo reputantur*, ainsi que dit le texte, *in cap. per tuas. De Simon. in antiq.* voire vn autre texte dit fort à propos sur le mesme subiect de Simonie, *in cap. cum in Ecclesia corpore*, qu'à cause de l'atrocité de ce crime; tant

plus il est supporté, *tanto diutius infelices animas detinet alligatas.*

Pour vn troisieme moyen le Franc propose, que iamais les faicts de Simonie ne doiuent estre receus pour estre verifiez par tesmoins: sinon lors qu'il y en ayt quelques adminicules, & comme demy preuues; A quoy le demandeur respond ingenuement, qu'il ne sçait de quelle loy, chapitre, ordonnance ou Coustume ceste proposition peut estre tiree.

Il a bien leu, que lors qu'il y a des tesmoins, l'integrité desquels peut estre suspecte pour la preuue des faicts de simonie, il ne se faut pas arrester du tout à leurs depositions, ainsi qu'il est traicté *in dicto cap. per tuas*, par lequel vn autre chapitre lequel estoit en la premiere & seconde compilatiō des Decretales, commençant, *Quoniam abolendam*, a esté corrigé.

Mais que la preuue par tesmoins des faicts de Simonie doiue estre du tout reiettee, sinon qu'il y en ayt quelque preuue ou adminicule par escrit, cela ne se trouuera en lieu du monde: au contraire, *Tanta est labes huius criminis quod etiam serui aduersus dominos & quilibet criminosi admittuntur cap. tanta & cap. licet. Helid. cod. tit.* Et neantmoins, au cas qu'il fust requis d'auoir quelque adminiculle par escrit, le demandeur en apporte qui sont pertinens & peremptoires.

Primò, que Mathieu en ayant esté pourueu, pris & recueilly les fruiets de deux cueillettes du Prieuré contentieux, il l'a neantmoins sans aucune resistance, quitté audit le Franc ou plustost ceux pour lesquels il en estoit pourueu le luy ont fait quitter: qui croira qu'ils l'eussent faict s'ils ne se fussent tres-bien entendus.

Secundo, que le Franc n'a iamais rien demandé à Mathieu ny autre pour luy, des fruits de ces deux cueillettes, lesquels sans doute luy eussent appartenu au cas que la prouision de Mathieu n'eust point esté, ou bien qu'elle eust esté nulle.

Tertiò, que Marchant n'a iamais n'a iamais rien sceu de la prouision obtenue sous son nom, sinon lors qu'il a esté prié de passer procuration pour en prédre possession: ce qu'il ne voulut pas faire, ainsi qu'il l'a déclaré *scripto*; ains ayma mieux en passer vne pour resigner.

Quarto, que ceste procuration a esté passée à vn Procureur en blanc, c'est à dire en fantaisie, portant specialité pour resigner par ce fantosme en faueur de telle personne qu'il voudroit nommer, qui est du tout insupportable.

Et de dire que vn nommé Puthomme a esté le Procureur qui l'a effectuee, il est vray : mais la minutte du blanc en laquelle personne n'est escrit, iustifie que Marchant n'ay amais pensé à ce Puthomme, & que en effet elle auoit esté passée à vn Procureur incertain pour l'effectuer au profit de celuy qui bailleroit de l'argent, pour estre pourueu en vertu d'icelle; comme il est aduenü.

Quinto, que la minutte de ceste procuration est chargee que la grosse en a esté deliurée audit sieur Dormy, celuy lequel auoit promis ce Prieuré audit Seigneur, la modestie duquel deffend au demandeur de dire le nom.

Tous ces adminiculles sont forts, & de fait le demandeur n'a point trouué que les deffendeurs y ayent pertinemment respondu, comme de verité il seroit mal aysé.

Le Franc a proposé d'autres moyens, mais d'autant qu'ils sont aussi aux escritures de du Four, le demandeur a estimé qu'il estoit mieux à propos d'y respondre comme venant de sa part. Dont le premier est, que ceste instance a esté commencée contre luy, & consequemment le demandeur n'est plus receuable de proposer aucune incapacité contre le Franc, voire que tacitement il y a renoncé.

A cela il ne faut autre responce que celle qui résulte des pieces par lesquelles il appert que c'est contre le Franc que le demandeur a intenté & poursuiuy sa complainte, & que du Four y est interuenü.

Du Four pour vn second moyen propose, Que lors que le demandeur a formé sa complainte le Franc n'auoit plus rien au Prieuré contentieux, d'autant qu'il l'auoit resigné, & que ledit du Four en auoit esté pourueu par sa resignation: Et la responce est prompte, que auparauant que la resignation de de le Franc fust admise en Cour de Rome, & du Four pourueu en vertu d'icelle du Prieuré contétieux, le demandeur en

auoit esté pourueu par l'incapacité dudit le Frãc, Que deslors le droict luy estoit acquis, & que en matiere benefeciale *possessionem metimur ex titulo*. *Adeo*, que celuy lequel est auourd huy pourueu, peut demain vallablement former complainte pour raison du possessoire. Cela est si clair qu'il n'a besoin de plus grande confirmation.

Le troisieme moyen de du Four est qu'il a pris possession auparauint le demandeur, lequel employe la responce contre le precedent, qu'il ne faut regarder lequel est possesseur actuel, ains qu'il a le meilleur tiltre.

Son quatrieme moyen est que par l'ordonnance les causes des deuoluts doiuent estre proposees, voire contestees contre les resignans, & que à faute de les auoir contestees contre eux elles ne peuuent estre proposees contre les resignataires. A quoy il y a deux responces peremptoires.

L'une, que cela se doit entendre que auparauint l'expedition des deuoluts, le tiltre des benefices n'est plus entre les mains des resignans, ains de leurs resignataires. Ce qui n'est pas au fait de ce procez, auquel le demandeur estoit pourueu par l'incapacité dudit le Franc auparauint que du Four fust pourueu par sa resignation, ainsi qu'il a esté dit cy-dessus, & qu'il se void par la conference des dattes.

Et l'autre, que le demandeur a contesté comme encore auourd huy il conteste les causes de sa prouision contre le Franc sur lequel il l'a obtenue.


Le quatrieme moyen de du Four est, que l'ordonnance deffend de receuoir aucunes preuues par tesmoins des choses dont le sujet excède la valeur de cēt liures. A quoy la responce est aisée, Que l'ordonnance parle des promesses, conuentiones & contracts, & non pas des crimes, & mesmes de celuy de Simonie, pour lesquels ceux qui le commettent ne vont pas rechercher des Notaires pour en escrire l'acte & le publier.

Et le 5. & dernier moyen est, Que les prouisions des deuolutaires sont odieuses, cōme estans obtenues *ad questum, & priuata commoda*, contre lequel le demandeur pourroit employer ce que l'Aduocat dudit du Four a plaidé depuis trois sepmaines

semaines en l'audience, Que les prouisiōs par deuol ut estoier^e
le plus fauorable que les beneficiers peussent obte nir, pou-
chasser les personnes indignes hors des benefices p ar eux in-
iustement possédez.

Mais pour ne se reuestir des plumes d'autrui, il suffira au de-
mandeur, que toute sortes de prouisions par resignatiō, mort^e
incapacité, simonie ou autrement, doiuent estre iugees fauo-
rables lors qu'elles se trouuent fondees sur des causes de va-
cations iustes & veritables.

Il adioustera que du Four plaide en ceste affaire sans aucun
interest; d'autāt que au cas, comme il est raisonnable, qu'il soit
cuincé du Prieuré de S. Leu contentieux entre les parties, il
peut rentrer en celuy de Liguge, lequel il auoit en recompēse
de celuy de S. Leu.



communes en l'audience. Quant les provisions par devant est
le plus notable que les benéficiaires peuvent obtenir, pour
chasser les personnes indignes hors des bénéfices par eux in-
fument possédés.

Mais pour ne fortifier des plumes d'autrui, il suffit au de-
mandeur, que toute sorte de provisions par religion morte,
ou vacante, n'ait été ou autrement, doive être jugée fau-
table lors qu'elle se trouve fondée sur des causes de va-
cations justes & véritables.

Il advenant que du Pour plaide en cette affaire sans aucun
intérêt, d'autre que au cas, comme il est raisonnable, qu'il soit
cité du Prieur de S. Jean contentieux contre les parties, il
peut venir en celui de l'igue, lequel il a en recompte
de celui de S. Jean.

